



Anna Lindh Fondacija Bosanskohercegovačka mreža

Helsinki Citizens' Assembly (hCa) Tuzla / Youth Resource Center Tuzla
Hadži Bakirbega Tuzlića 1, 75000 Tuzla, Bosna i Hercegovina
Tel/fax: ++387 35 258 077
e-mail: hcatuzla@bih.net.ba, orctuzla@bih.net.ba, www.omladina-bih.net

ANNA LINDH MREŽA BIH SASTANAK UPRAVNOG ODBORA MREŽE

**TUZLA, Hotel Rudar
09. jun / lipanj 2017. godine**

IZVJEŠTAJ SA SASTANKA UO MREŽE

Sastanak je počeo u 11:00 sati/časova u prostorijama hotela Rudar Tuzla

Prisutni članovi UO:

HARIS HALILHODŽIĆ - OK „Pod istim suncem“ Jablanica;

ČEDOMIR GLAVAŠ – OO „ODISEJ“ Bratunac;

JASMIN JAŠAREVIĆ – PRONI Brčko;

GORAN NOVKOVIĆ – DIS Pozorište mladih Banja Luka

DANIJEL STJEPANOVIĆ (sa ovlaštenjem) - Forum građana Tuzle;

MIRALEM TURSINOVIĆ – ALF Mreža BiH, Glavna kancelarija

Odsutni:

BORIS BALTA – MAGIC Factory Tuzla,

MAJA VEJZOVIĆ – VOLODER - Agencija lokalne demokratije Mostar,

SRETENKA MIHAJLOVIĆ – Šesto čulo Doboj.

Prisustvom većine članova UO, utvrđeno je da postoji kvorum i da se sastanak može održati, po utvrđenom dnevnom redu:

1. Usvajanje zapisnika sa sastanka UO Mostar, 03.9.2015. god
2. Izvještaj Koordinatora ALF BiH o radu kancelarije i mreže u proteklom periodu
3. Razno

Zaključci:

1. Zapisnik sa prethodnog sastanka UO ALF Mreže BiH je jednoglasno usvojen, sa napomenom da se nastavi raditi na realizaciji zaključaka koji nisu ostvareni do ovog sastanka. Ovo se prvenstveno odnosi na pokretanje inicijative za osnivanje ALF Mreže Srbija. Nakon neuspješne inicijative prema kancelariji ALF Mreže Crna Gora, kako bi ova inicijativa bila eventualno upućena kao zajednička inicijativa ove dvije mreže, odlučeno je da ALF Mreža BiH uputi pismenu inicijativu svim ALF mrežama sa ovom inicijativom, kao i prema Sekretarijatu ALF mreže u Aleksandriji. Zadužuje se Glavna kancelarija ALF Mreže BiH da realizuje ovu inicijativu u što kraćem roku.
2. Jednoglasno je usvojen izvještaj o radu Koordinatora ALF BiH o radu kancelarije i mreže u proteklom periodu, oktobar 2015 - juni 2017, i plan rada ALF za period do kraja 2017. godine u okviru kojega će se odvijati i aktivnosti ALF Mreže BiH.¹

¹ Kompletan izvještaj Glavne kancelarije ALF je dostavljen u sklopu materijala za sastanak u Tuzli.

Zauzet je i zvanični stav UO ALF Mreže BiH da se u budućoj selekciji predstavnika iz BiH za međunarodno predstavljanje ALF članica iz BiH obavezno uzme u obzir i preporuka Glavne kancelarije ALF BiH, što do sada nije bio slučaj.

Usvojen je i izvještaj Glavne kancelarije o tome da je Glavna kancelarija na vrijeme dostavila sve potrebne narativne i finansijske izvještaje Kancelariji ALF-a u Aleksandriji.

3. Inicijativa gospodina Vehida Šehića o formiranju i Savjetodavnog tijela - koje bi pružilo mogućnost zainteresovanim članicama da se aktivnije uključe a UO, Skupštini i Glavnoj kancelariji bi bili dodatni resurs za svjetovanje pri donošenju odluka, a koja je usvojena na prethodnom sastanku nije zaživjela jer se niko od članica ALF Mreže BiH nije javio vezano za ovu inicijativu tako da je na inicijativu gospodina Ibrahima Spahića usvojena nova inicijativa i osnivanje: „Savjeta za saradnju i međunarodnu saradnju“ koja bi brojala 5-7 članova, starijih od 45 godina, sa zastupljenošću oba pola, sa zastupljenošću svih dijelova BiH, građani sa iskustvom od 10+ u diplomatiji i međunarodnim odnosima koji bi svojim ugledom i kontaktima pomogli razvoju ALF mreže BiH u narednom periodu. Gospodin Spahić se dobrovoljno javio da predloži imena ljudi za ovo tijelo do narednog sastanka ALF BiH Mreže (novembar-decembar 2017).

- Nakon utvrđenih problema u financiranju rada ALF Mreže BiH odlučeno je da se mreža ubuduće prijavljuje na otvorene pozive i drugih donatora koji podržavaju rad i izgradnju kapaciteta mreža organizacija civilnog društva. Usvojena je informacija da je PRONI Centar, u saradnji sa Glavnom kancelarijom tokom 2016. godine aplicirao za TACSO javni poziv za podršku mrežama ali bezuspješno. Tokom ove i sledeće godine odlučeno je da će se ALF Mreža BiH prijaviti za pozive EU kao i drugih donatora kao što je Peace Nexus. Članovi UO, Haris Halilhodžić i Jasmin Jašarević će, u saradnji sa Glavnom kancelarijom ALF BiH biti zaduženi za praćenje i prijavu po objavljenim javnim pozivima.

- Odlučeno je da će Miralem Tursinović i Jasmin Jašarević dogovoriti sastanak u Sarajevu kako bi se uspostavila saradnja sa nadležnim BiH ministarstvom (Ministarstvo vanjskih poslova BiH), kako bi ALF mreža BiH dobila institucionalnog partera u BiH kao i sastanak sa EU Delegacijom u BiH kako bi se razgovaralo o pitanjima vezanim za PDV za odobrene ALF projekte u BiH, i eventualno, iznašlo rješenje za ovaj problem sa kojim se suočavaju organizacije – korisnice ALF sredstava u BiH.

- Usvojen je prijedlog da se članice iz BiH koje su učestvovalе kao partneri na projektima drugih ALF mreže pozovu u članstvo ALF Mreže BiH.

- Sretenka Mihajlović, Šesto Čulo Doboj, koja je na sastanku u Mostaru izabrana u Članstvo u UO se nalazi u Njemačkoj na jednogodišnjem volontiranju, te je UO odlučio da neće imenovati novog člana UO, obzirom da svima ističe mandat krajem 2017. godine.

Sastanak je završen u 13:00.

Predsjednik UO ALF BiH

Jasmin Jašarević